

## शरणे थारे आयो हे भादवा

शरणे थारे आयो हे भादवा, माँ दर्शन माने दीजो ऐ,  
भगता रो हेलो सुणो ऐ भादवा, शरणा में माने लीजो ऐ हे माँ,  
शरणे थारे आयो हे भादवा....

नीमच री धणियाणी भादवा दुखियारा दुखड़ा मिटावे हे,  
लूला लंगड़ा पांवा चाले, माँ चर्म रोग मिटावे ऐ हे माँ,  
शरणे थारे आयो हे भादवा....

नवरात्रा में मेलो लागे, थारे घणी जातरी आवे हे,  
भीड़ पड़े थारे भगता री, माँ मन री आस पुरावे ऐ हे माँ,  
शरणे थारे आयो हे भादवा....

साचा मन सु ध्यावे मात ने, माँ हर पल भेली आवे हे,  
कारज सारे माँ भगता रा, या विपदा आय कटावे ऐ हे माँ,  
शरणे थारे आयो हे भादवा....

योगी जोगी थारा उपासक, वे कण्ठे नाम रटावे हे,  
धरम तंवर थारा भजन सुनावे, शरणा में थारे गावे ऐ हे माँ,  
शरणे थारे आयो हे भादवा....

<https://bhajanganga.com/bhajan/lyrics/id/25930/title/sharne-thaare-aayo-hey-bhadva>

अपने Android मोबाइल पर [BhajanGanga](#) App डाउनलोड करें और भजनों का आनंद ले |